



**Deklarasaun Konjunta husi Sobrevivente sira husi Violénsia Seksuál Relasiona
ho Konflitu iha Ázia**

Interkámbiu Sobrevivente Rejiaun Ázia

19–20 Juñu, 2025

Bangkok, Thailand

With the support of

**dr. Denis
Mukwege** Foundation

**GLOBAL
SURVIVORS FUND**
FOR AND WITH SURVIVORS OF
CONFLICT-RELATED SEXUAL VIOLENCE



Ami, sobrevivente sira husi violénsia seksuál relasiona ho konfliktu husi Cambodia, Nepal, Myanmar no Timor-Leste, halibur hamutuk iha eventu ‘Interkâmbiu Sobrevivente Rejiaun Ázia,’ organiza husi Global Survivors Fund no Mukwege Foundation iha loron 19-20 Juñu, 2025, atu partilla ami nia esperensia sira, aprende ba malu, no identifika prioridade komún ba sobrevivente sira iha rejiaun laran tomak.

Deklarasaun ne’e mai husi ami nia diskusaun sira, ne’ebé refleta ami nia prioridade, no esplika saida mak ami fiar hanesan esensiál ba resposta ne’ebé tau sobrevivente hanesan sentru ba violénsia seksuál relasiona ho konfliktu.

Ami nia Ezijénsia Konjunta sira:

- 1. Oferece fatin seguru ba sobrevivente sira** atu halo koneksaun, kura, suporta malu, no servisu hamutuk.
- 2. Fasilita asesu ba suporta holistiku ba sobrevivente sira,** inklui suporta médiku, psikolójiku, legál no sosio-ekonomiku (hanesan finanseiru, uma, edukasaun, vida moris) liu husi programa asisténsia ka reparasaun, nune’e mós suporta emerjénsia inklui uma mahon seguru no relokasaun bainhira relevante.
- 3. Hasa'e konsiénsia kona-ba kauza no konsekuénsia husi violénsia seksuál relasiona ho konfliktu ba sobrevivente sira** hodi kombat estigmatizasaun no aseguira sira-nia seguransa.
- 4. Advokasia ba akontabilidade no justisa, inklui reparasaun,** iha nivel hotu-hotu (lokál, nasional, rejional no internasionál).

Ezijénsia sira ne’e bazeia ba ami nia esperiénsia moris no refleta ami nia prioridade sira ne’ebé fahe ba malu nu’udar sobrevivente husi violénsia seksuál relasiona ho konfliktu iha Ázia laran tomak. Ami husu ba autór estadu no stakeholder relavante sira hotu atu foti asaun ne’ebé significativu hodi suporta sobrevivente sira.

With the support of